

تبریزده بیرینجی یئر آلتی سو پارکی نین ایشه باشلاماسی

دولت هفته سی اینن عین زماندا تبریز شهرداری نین حضورو اینن تبریزده بیرینجی یئر آلتی سو پارکی ایشه باشلادی.

فارسین تبریزدن وئردیغی خبره گؤره، 7600 متر مربع اولان تبریزین بیرینجی یئر آلتی سو پارکی، 1820 متر مربع یئر اشغال ائلییر. بو پارکین موج گؤل، 170 متر اوزونلوغوندا و 3 متر ائنینه چایی، 12 جوړه فرقلی زیولداق و اوشاقلارا مخصوص گؤل واری. 150 نفره ایش یئری یارادان بو پارک، تبریز شهرداریسی و «آتیه سازان فخرآذر» شرکتی نین همکارلیغی اینن 20 میلیارد تومندن آرتیق اعتبارینان دوزلیب. «آتیه سازان فخرآذر» شرکتی نین مدیر عاملی هلالی بو مراسیمده کی دانشیغیندا تبریز شهرداریندان تشکر ائله ماغینان دئدی: «اخیر ایللرده تبریز شهرداری نین حمایتی اینن خصوصی سرمایه قویانلارین تبریزده مختلف زمینه لرده حاضر اولماسینا شاهد اولوروق». او آرتیردی: «استان و شهر مسئوللاری حمایت ائله سه لر تبریزده تفریحی-ورزشی شهرکین دوزلتمه برنامه میز واردیر». هلالی استان و شهر مسئوللاریندان خصوصی سرمایه قویانلاردان حمایت ائله ماقلارینی ایسته دی.